

7541-490 47  
CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
OCT 10 1952





苑洛集卷之五

大明趙太淑人墓誌銘



太淑人贈中大夫太僕卿直菴趙公之配總督宣  
大山西偏保諸鎮軍餉戶部右侍郎兼都察院右  
僉都御史公之母也既卒兼公訃聞于

上曰臣母荷

國厚

恩封太淑人今歿矣文階三品

國有常經臣今泣血以

請



上稽兼公資勞報以全

制遣官

諭祭

錫繼調庸以營葬事開壙之期郡守身至陳牲奠桂  
詔相秉冊儀采彬彬於是吊者賙者四方來觀者  
萬夫塞道四田成蹊識士者父嘖嘖稱嘆謂太淑  
人賢謂兼公名德上非濫

錫下宜榮有也初兼公近侍遠鎮敷歷兩京太淑人  
皆從祿養歲壬寅北虜蹂我晉陽欲窺畿甸  
天子震怒命將薄伐

簡兼公督軍餉時太淑人偶感風疾然兵革也義弗  
得辭冒險又不可恐震驚乃奉歸開屬弟姪侍湯  
藥甫歷夏秋而太淑人已報辭堂矣兼公追念二  
十年來婉愉莊栗朝夕夔夔忽焉及此悲傷痛恨  
志不懷生及

恩命存渥光賁泉壤乃知忠孝兼得揚顯為終其情  
始少慰云太淑人姓張氏其先河南項城人曾祖  
均博通經史鄉試中式訓導開州遂籍于開今開  
之士盛于甲科者本訓導敷教之力也訓導公二  
子哲進士監察御史著舉人邲縣令邲縣太淑人



祖也父勲一鄉善士母陳孺人以内德稱惟生太  
淑人性穎慧温貞精女工通烈女傳太義父母愛  
甚冰氏踵門不輕許曰是兒非有福人弗能偶也  
乃擇字直菴公蓋時直菴公父中大夫贈公崇尚  
義氣鄉閭敬憚故善士結二姓之好云比太淑人  
歸趙氏贈公及配張淑人皆謝世太淑人恒以不  
獲事舅姑為歎繼姑樊孺人四子俱幼太淑人委  
曲承順凡餽紉悉出其手樊士安悅直菴公性嚴  
急又好賓客倉卒治具豐腆悉備直菴公每督兼  
公兄弟讀書至分夜太淑人亦不寢直菴公綜理  
家務日夕勞瘁太淑人譬之曰家頗裕諸子中必  
有穎拔者與何自苦爾直菴公曰吾豈憧憧不叩  
自恤哉凡所以為諸弟也然汝言亦大是待婢僕  
以寬雖大失悞未嘗惡聲叱罵禮答姻黨宗戚每  
及儀物故内外愛敬之甲申

朝廷上

兩宮徽號以兼公給事中封孺人後兼公進位通政  
迎養京邸直菴公病太淑人躬進湯藥敬事若年  
少時直菴公歿痛哭輒弗止兼公兄弟泣勸則曰  
我未亡人何能自顧也丙申



大慶覃恩以兼公太僕卿封太淑人兼公撫陝每當  
出視事太淑人輒戒之曰汝勿乘怒過鞭撻吏民  
吾甚懼此久之秦人皆知兼公之仁出自內教初  
兼公迎養每歲時稱觴為壽太淑人必曰汝其盡  
心所事吾母子蒙

恩已足矣及兼公晉陽之別倥偬疾病間猶以忠勤  
勉之且令勿以已為念但云邊事寧當速回耳太  
淑人既下趙氏富有顧內政益嚴朝夕弗怠簪珥  
服用靡事華耀及兩膺

大典龍章疊賚命服輝煌而勤懇儉素終始不渝云

夫富而無驕賢者所難知足不辱古今訓說太淑  
人富且貴矣而不忘勤儉至以忠勤勉兼公自謂  
已足是豈尋常女德哉世以男子弗能自拔者目  
為婦人然則太淑人得不謂之女中丈夫哉太淑  
人生于成化癸巳五月十五日卒于嘉靖癸卯九  
月十八日享年七十一歲子男三長即兼公諱廷  
瑞正德辛巳進士七命歷今官內治外擢功在  
國史茲不附書配孫氏屢封淑人次廷璋官生兼公  
以其廢讓娶郭氏次廷瓚陰陽典術娶李氏孫男  
四長栗國子生次果次木次葉孫女四一適王三



命一適王三重一字孫庚一幼未字曾孫文一幼  
未字以嘉靖二十四年正月八日啓直菴公龍河  
新阡之兆合葬焉前給事中今人官至事傳君學  
禮兼公舊僚也以狀來問銘銘曰於太淑人維閨  
之秀靜女閒閒君子是始治爾宮事柔嘉有儀廟  
祀斯嚴百福來茲於太淑人維女之英豈曰婦德  
君子之行孰富而儉孰貴而勤惟我知足誨子忠  
仁子德孔那撫我秦中內修外攘既奏膚功子德  
令昭萬夫之望維

國楨幹太淑人慶穹碑我我蟠螭走龍煌煌

宸翰玉鑿瑱磨昔也不遑其苦如岑今茲

恩榮始慰子心惟開有支坦坦而來其平如掌中藏  
乳胎吉匪四獸祥豈萬馬元吉百祥惟有德者溫  
溫淑德鬱鬱佳城我勒斯銘斯銘稱情

〇〇大明間太安人墓誌銘

太安人崑陽隱君子解公之女贈主事間公滋之

配戶部主事仲宇之母也嘉靖十一年十一月二

十三日以疾卒狀云太安人生於某年某仲宇將

啓贈公之壙而合葬焉奉狀問銘夫女德之治尚

矣間氏代之大家也間世中衰矣及贈公之身其



興也勃然太安人修內之勞也惟太安人靜一其  
 德婉婉其質少而歸焉狀云歸年四宜其家人承贈  
 公之嚴也而委順之終其身無輻脫也必敬無彼  
 遂也以貞示從也其於翁姑也狀云翁榮壽公曲  
 養無方焉事生也致哀以禮焉事死也故諸婦式  
 焉靈神祐焉狀云太安人以為得奇疾遇異昭孝也濟  
 濟乎三男之成器而命之愛而教之寬也農春也  
 賈宇也學得其養而膺其榮狀云庚寅主事君貴推恩封  
 人太安致慈也難乎二女同居而志不同行也睽次  
 於家人怨其非意而先其勞妯娌懷之分其績刺

而體其情小姑愛之怡怡乎以讓以親敦睦也察  
 雞豚而孕字之料核蔬而樹藝之納酒漿而儲備  
 之賓客之供足矣翁夫之好得矣狀云翁及贈公  
太安人精於製造善於存蓄著理也若夫折而合  
蔬果酒肴皆預處之焉狀云翁姑以家口衆大命異產族黨之婚喪而  
太安人親睦既久不忍析也資給焉鄉閭之災患而賑恤焉浴而發治命死而  
 安焉狀云太安人病起斯丈夫之鮮能而君子之  
 所尚也其賢矣乎夫男女天地之大義也成於交  
 愛而毀於晨鳴狀稱閭氏之興太安人之勞也不  
 其然乎信女德之治尚矣銘曰太安人子男三長



仲寬娶康氏繼李氏次仲春娶劉氏繼樊氏次仲  
宇娶丁氏繼冀氏方氏俱封安人女四長適霍子  
秀次適汪鰲次適謝治次適知州董槐孫男七鏗  
娶黃氏銅娶張氏鈞娶王氏固娶趙氏邦娶趙氏  
立娶蔣氏位娶馬氏女四一適生昌宋國卿一適  
趙汝翼一適李基一適李三省曾孫五繼先紹先  
繼元喜兒保兒曾孫女三葬之期嘉靖十二年十  
月初十日也維代之陽有崇其崗蜿蜒俯馴鬱  
鬱蒼蒼橫形止生太安人之藏子孫繩繩保此  
無疆

大明通議大夫兵部左侍郎贈都察院右都  
御史潘公墓誌銘

嘉靖戊申七月初五日公卒己酉太宗伯以祭葬  
請

上曰如制大冢宰以贈官請

上曰潘珍准贈都察院右都御史時

朝廷方嚴卹典三品官兼得者鮮以公名德祭葬贈

官均錫云公姓潘氏諱珍字玉卿蘊玉之華也初

號曰朴菴氏山有峩峩也故又曰峩峩峩峩以峩峩

碧也歸田後故又曰碧峩峩峩峩有兩也故又曰兩



卷五  
峯氏晚而退以卑牧曰益以拙叟云潘氏之先姬  
姓周畢公之子季孫食采於潘因為氏後服租傭  
閩之三山唐廣明間逢辰公者憫時之亂上書闕  
下亟言時事不報隱于歛之黃墩遷于婺源之桃  
溪是為桃溪潘氏四世至初公七歲不言一日母  
携之登樓忽朗吟一絕家人驚異及長識趣異常  
大度好施人呼為謫仙云初公生汝翼公宋紹興  
進士官至秘校秘校生松年公登第官洪州錄事  
參軍參軍生宣義公文汶生奉議公執禮執禮生  
涇公紹定間選郡馬郡馬生崇龍公崇龍公生延

壁公淮西安撫計議值宋亡元興誓不仕守東陵  
之節教子孫耕讀廷壁公生克勉公無子以兄子  
侑公嗣侑公生虎公虎公生勤才公配張氏生坦  
公字循理號閒菴敦尚仁厚鄉稱長者配張氏勤  
才公及閒菴公皆以公貴贈通議大夫兵部左待  
郎二張皆贈淑人張妣淑人夢五色鳥投于懷公  
生七歲就外傳勤勉敦朴不類群兒閒菴封公甚  
愛之為廣延名師躬督課業甫弱冠克縣附學生  
提學歲試愛其文取魁縣士戊午中式壬戌登康  
海榜進士授浙江紹興府諸暨縣知縣政務循良



不事苛矯創建預備倉扁其門曰養惠更拓養濟院名其巷曰先斯新孔子廟程力計工民不知勞以治行徵拜大理寺左評事初公尹諸暨迎養閒菴封公不肯行報書曰吾豈能以朝夕盤殮遂舍山林之趣哉汝當務顯揚亦勿若曾元屑屑於口體也又曰民命至重汝勿誤於庶獄故諸暨之治膏澤爲多云陞左寺副考滿廷尉西臺政府咸以明敏允克署其實於是閒菴封公封如公官張妣封孺人陞左寺正尋陞山東按察司僉事時劇寇劉六等流劫東郡公分巡東兗駐兗州整擷民兵

護衛

親藩賊猝至城下攻東門不得入乃去大掠曲阜公奏白徙縣築城而曲阜始寧明年更巡海右都司某多內援怙勢侵削軍士怨苦公廉訪獲狀按治抵法一道肅然更巡東兗再更遼東東寧陞本司副使巡察海道而遼東撫按以公巡東寧稱也奏以副使仍巡東寧吏部報曰有

成命矣時沿海衛倉官攢滿待勘吏緣爲奸查駁至四五年典衣鬻子有隕身者公爲立法不再勘死者厚恤之會丁閒菴封公憂服闋起巡福建海道



捕擒劇寇三百餘有白金紵絲之

賜括民間私造大船可浮海者買給水寨禁弗得再  
造而奸源塞矣陞山東按察使公凡三任山東施  
澤既久人心信愛稱爲潘青天云陞湖廣右布政  
使尋轉左時巨璫差脩承天

皇陵供費甚侈公量司帑所蓄既汰其三之二復分  
派隣省及取九江料銀協濟而湖民之困以舒湖  
賦王祿爲重近富之屬率賂脫顧派取遠省下邑  
既劑量不平又多逋欠公隨地所宜而賦之民皆  
稱便陞右副都御史巡撫遼東釐理軍務公築邊

墻繕城堡濬壕斬清屯田廣積蓄利器械內修大  
備明年乞休不許丁張淑人憂服闋改南京右副  
都御史提督操江乃教造蜈蚣船及八槳船皆迅  
速如飛追賊無弗及者擒斬番賊徐勳等獲其番  
物輸之官尋陞南京兵部右侍郎召入兵部改左  
適安南請討莫登庸

廷議遣將提兵問罪公抗疏言北虜陸梁邊烽屢警  
宜備北虜以急不可懷之強寇安南遠裔又本陳  
氏故土黎氏篡之今莫氏復篡之禍亂相仍夷方  
常事宜先遣使諭以禍福如其款服則順而撫之



卷五  
降封受職以奠南荒未可遽勒王師

廷議以成命既下不宜撓阻罷公閒住後師至南中  
凡處一如公言而安南平於是南臺合章乞還公  
官不報會遇

恩詔公獲致仕是後大臣撫按多薦起公將大用公  
而公卒矣公生于成化丁酉五月二十六日距卒  
享年七十有二公居常恂恂不事奇峻及臨大利  
害則英發堅定確乎不可奪學務自得不爲口耳  
動止迂怪之習才抱浚明而遇事慄慄勤勉不敢  
自遐自忽可謂亂而敬擾而毅愿而恭矣家食十

年餘優游自適即星溪之比建四美亭即柳溪之  
南建休休亭約邑老爲壽朋會歡娛笑語脫略城  
府若無廟廊之貴者鄉後生仰而式之公自筮仕  
至里居大臣撫按科道連篇累牘薦者三十餘章  
或見其才或見其節或見其學政或見其文章皆  
極華褒夫當官而薦是其常也若里居非清德重  
望冠士倫者不得與然則公身雖未得大行而道  
則亨矣公所著舉業有珍珠集奏稿有愚衷錄省  
愆錄詩文有兩峯存稿年紀錄榮樂集三錫錄世  
業錄凡若干卷藏于家配張淑人柔嘉閑淑且明



知若學士自公歷官中外裨助者多非特爲內式也先三歲卒內行備載慈德錄中公已自爲誌納之壙矣子男二長即鏊鄉貢進士母病則割股歿則廬墓娶汪氏次日鑿補廕國子生娶王氏女一京王適戴緋孫男榮未聘女二桂英元英未字鏊等將以是年冬十月啓張淑人之壙合葬焉捧讓溪將公之狀來問銘銘曰維嘉靖己酉公薨於桃溪之新阡有山負宸有水之玄騰萬馬於後懷萬寶於前鐫穹碑兮干雲蟠雙龍兮

天章郡侯承

命兮駿奔陳犧牲今明堂賙玄薰兮璣組奠桂酒兮椒漿於維休哉公之勲蹟銘弗克殫著其赫奕有莫篡黎

廷議詰兵公獨抗疏謂不宜征乃奪公官道則愈亨終用公言安南乃平公謂比虜勢漸桀強宜急爲備以振邊疆使遠猷之見售無太原之殘傷於維那哉公言之昌用之有效違則弗祥赫赫明明

皇祖太訓胡戎戰爭備之宜慎安南限隔僻在一方彼不爲患無倚富強至哉

皇言公敢對揚公之忠誠寔昭



國是我勒斯銘用告太史豈告太史以式臣子

大明鄉進士趙子春墓誌銘

嗚呼傷哉吾子春乃遽至是邪子春將屬續屬其友張省試子靜曰芳也受學於苑洛先生佩訓茲終身焉必先生銘我墓芳也將服勤於地下矣子靜以狀來告銘噫吾尚忍銘吾子春邪吾忍不銘之邪銘之乎吾心割矣然吾不銘欲將孰銘也嗚呼傷哉吾子春倜儻豪邁而勅禮教明達聰碩而正節槩剛傲強毅而服忍讓文章彬彬然蔚如也使乎南征之志遂而其浚明之績又可量乎而乃

遽至是耶卒之時母且八十而子垂髻此子春倦倦不盡之痛恨也萬人皆涕淚矣嗚呼傷哉子春姓趙氏諱芳字子春別號左輔陝西西安同之朝邑箔子村人也趙氏之先本長安人高祖益避元亂始來箔子村曾祖讓業農弗仕祖謹以國子生歷利津丘縣簿五十致仕百歲乃卒封兵馬指揮鄉士大夫大崇敬之曰趙老先生祖妣陳封孺人老先生豁達有遠識治利丘聲稱卓然父璜兵馬指揮封文林郎母陳封孺人有內德京畿多豪右正德中為尤甚文林明敏執法人甚憚之方以治



行進官而文林卒矣子春始學於渭北趙知郡渭  
北一見稱之曰之子也眉間數寸瞳子精明質豐  
而氣清君子之流歟親愛之有異聞焉正德丙子  
苑洛子之家食也子春執義經而問焉苑洛子授  
以否泰二卦子春曰乾與坤消長之間欲整頓耶  
芳也何德以堪之間坎離而苑洛子弗荅子春曰  
未濟既濟之相交其後乎非芳也之急苑洛子奇  
之曰是可以言進退存亡之道矣遂手著本義詳  
說二十六卷以授之俾誦習焉嘉靖乙酉領省薦  
累試春官弗第戊戌又弗第過晉陽謁苑洛子苑

洛子曰子今強仕文如子學如子大科弗第天也  
子春曰寬以居之悠久成物春官之首命也先生  
嘗特授芳也弗習人也天曷故焉歸將詳服先生  
之教期驗於來春矣歸之五月而病又二月而篤  
乃顧其兄菑曰死生常理也母老而弗能事子幼  
而弗能教死不瞑目也既而曰母老兄能事之子  
幼兄能教之遂卒子春性孝第事文林陳孺人終  
身不違顏色事兄蘭及菑甚恭貧時嘗脫內子之  
簪珥鬻蘭之目而目以明族人死無棺槨者於  
我殯配楊氏一子世瞻娶許氏二女長安順字謝



氏次安貞字徐氏子春生于弘治己未十月十八日卒於嘉靖十八年十一月二十四日得年四十八嗚呼子春吾見其生也吾見其成也乃吾又見其死也傷哉蘭苴將於己亥二月七日葬子春於先塋之次銘曰維沙之苑維渭之陽中有美人如圭如璋有郁其文有成其行嗟嗟子春士林之望孰富爾有孰促爾亡天不可問冥冥蒼蒼嗚呼傷哉嗚呼傷哉

大明中順大夫四川夔州府知府劉公德徵墓誌銘

德徵余友也別且十三年矣今歲再過定州而德徵已卧病執余手曰堪兒爲我教之茲與君永訣焉余心知其不起也姑寬慰之出而泣下比余至京師而堪持狀來問墓銘矣嗚呼傷哉德徵姓劉氏諱文煥別號蘭村德徵其字也亦字子緯劉氏之先蓋世爲山西懷仁人祖忠應成大同中護衛求樂初調定州衛遂爲定州衛人父傑嫡母黃氏生母王氏以德徵貴傑贈承德郎兵部主事黃氏王氏贈太安人云德徵生而哲靈蓋六七歲善爲奇對諸奇字輒善省識之里中有李溥進士者蓋



稱精鑑一見器異之曰是非尋常見也以女字之  
弱冠進學官弟子提學陳公試其文大賞之曰劉  
生天下士也於是劉生聲稱籍甚畿內士無不推  
先劉生者蓋提學陳公延譽之力也正德丁卯鄉  
試中式明年登進士第授駕部主事蓋隸大司馬  
大司馬乃數數對衆稱說主事時朝邑韓邦奇為  
選部員外郎長安劉公瓚為大司徒蓋皆善大家  
宰相與推薦之曰主事當吏部德徵聞知亟抵員  
外郎曰天下豈少才文煥何以得此員外郎曰主  
事賢德徵曰員外郎以主事賢竊恐天下以為員

外郎私也員外郎文煥友大司徒文煥戚主事苟  
賢奈何天下無知者獨其友與戚知之何也乃推  
他主事其後又有辭御史事蓋

天子用大家宰議選內外諸司明習國家事著聲名  
者充御史冢宰獨責之員外郎蓋薦四十人皆時  
俊德徵預焉員外郎意德徵且來辭避不見德徵  
窘甚夜排闥入扣牖呼曰文煥今日辭御史非前  
日辭吏部意也文煥生未晬而王母死黃母育成  
瘁甚矣今老且衰可為御史遠巡耶員外郎矍然  
起曰邦奇不知其不便如此事遂寢會黃太安人



卒守制去服闋補客部遷儀部員外郎進客部郎  
中再調駕部大司馬每條奏議下諸部未能言郎  
中盡爲之對大司馬悅之曰若郎中數十輩天下  
事豈足辨哉蓋諸部自以能不如郎中而郎中日  
益親重於大司馬乃擢東昌府知府時大將軍彬  
導

天子南巡江漢蓋彬日侍帷幄一切奏白盡從之貴  
震天下諸所過郡縣賄累巨千長跪稽首始得免  
德徵嘆曰文煥守此地乃不能邀還

車駕惠鮮困瘁亦已矣奈何剝下溷禮以媚權貴哉

吾不習是也彬大怒繫置之至揚州有李提督者  
彬親信之謂德徵曰知府寧不知大將軍尊重今  
天下第一人可亟圖之不則叵測德徵第張目熟  
視不爲應蓋提督心實是之爲白遣之彬怒且未  
什曰知府不稱東昌乃調夔州夔蜀之僻下郡也  
蓋多豪家習橫不服租庸健訟又多無情實前後  
知府率因循待調耳德徵既至乃下令曰不用命  
者有常刑知府不能行姑息之政也然知府亦不  
故刻害汝蓋自是無有弗服鮮有無情者矣夔州  
稱治又夔及旁郡多貴人徃徃倚府爲奇貨德徵



皆不禮之有一貴人射木利蓋木值可四五十金  
過索五百金平章司臺憲司皆已許之德徵持不  
與都御史方列牘議薦且陞晉諸貴人盡害之初  
德徵官京師時又嘗以直忤要司官有氣力者乘  
此隙曰知府病矣宜罷然嘗不病德徵既家食闔  
門課讀暇則問農灌圃與諸生商確古今有言及  
時事者輒拂衣起宗族有不足賙之疆弗友教之  
皆習其化感其惠處鄉里人以禮然性頗豪俠有  
機謀善口辯故人亦不敢犯事黃太安人終身不  
違顏色以孝聞締交皆當世名士云乃於嘉靖丁

亥九月內疾作至戊子三月壬申卒詎其生成化  
壬寅三月丙戌年四十七配李安人即李進士女  
也側室竺氏子男堪粹美能文雅重士林娶董氏  
垣亦聰敏勤學娶李氏皆生員李安人出甥尚孩  
提秀異常兒竺氏出女二蘭適里人韓永壽桂適  
定州衛指揮使陳發孫男柯堪子也將以是年五  
月三日葬城南蘭家左之原銘曰何仲默稱德徵  
書類羲之詩擬杜甫其才甚美學可達於用雖歷  
舉時之俊彥未能或過也使大其位誠有可述為  
權貴所害甚可悼惜今觀駕部之聲東昌之操夔



州之治其所蘊抱亦畧施行矣德徵雖不誕有天  
年堪之粹垣之敏垠之秀將必有嗣而興者天匪  
難謀也

大明通議大夫大理寺卿龍湫王公墓誌銘  
公開人也性貞廉介直正德初開守不理於多口  
時適大明黜陟苑洛韓邦奇爲考功員外郎太宰  
以守治狀不飾諭考功詢之多士皆如太宰言然  
考功素知守才疑之聞公往問焉公當飯客考功  
故久不起公曰吾當飯客考功請同飯公曰弗堪  
供奉考功曰安有戶曹主事可食者而吏曹員外

郎不可食乎乃出一盂糲食二豆蔬共食之客去  
考功以開守問公徐曰開之士大夫皆曰守治開  
無狀民則皆謂守良守後得不黜考功以公違衆  
持公議草具待賓戚獨立佳士也遂定交云公諱  
綆字濠伯別號龍湫王氏之先本鳳陽人始祖王  
洪武初避兵于開之別駕里遂爲開州人王生福  
榮福榮生貴貴生溥陽曲縣丞始封承德郎戶部  
主事繼贈通議大夫右副都御史配牛始封安人  
繼贈淑人生公公童時莊重不群少長即知敏學  
伯右布政每見而喜曰昌吾宗者此子也弱冠中



弘治戊午鄉試春試不第卒業大學先後所交知  
浚川王公後渠崔公蒼谷王公無涯孟公皆海內  
名士乙丑登進士授戶部主事是歲夏推

恩贈翁及牛淑人皆獲封尋陞本部員外郎署郎中  
時權瑾用事群閹倚勢請託公皆不顧未幾贈翁  
卒于官邸公哀毀如不欲生扶柩還葬服闋陞河  
南衛輝知府公振舉宿廢屏除積奸公移滿案兩  
造盈庭從容詳處皆中情理儒學諸生季必嚴試  
重行賞罰皆始怨而終服丙子當鄉試監臨東塘  
毛公以公有文望辟外簾錄文多出公手毛公喜

曰中州之錄可以式矣特疏薦曰知府學問深邃  
可學校憲職丁丑當考績時歲荒歉撫按以公素  
得人心留以撫之又二年遷湖廣副使初衛輝爲  
水陸南北通衢臺省權貴過者連車接轎公惟庭  
見一揖耳人固素知公亦不深尤也至湖廣適武  
廟賓天群臣奉

皇太后旨迎

今上嗣統巨闈谷大用者八黨之一亦在迎侍中強  
公長跪公不屈肆行悖侮公脫冠裂服奔赴

王府伏啓



王深慰答之而公即棄官歸

今上登極公上疏

奏劾大用奸惡辭甚激切凡五上而大用斥矣尋起

復河南鎮寇王鏜橫行河朔間公討平之總督

奏言副使累經戰陳親冒矢石故致克捷矣未陞山

西右叅政時巨寇黃太寶標掠殺戮流毒郡邑公

擒之當道累疏薦叅政顧政鴈門行太僕卿公乃

乞歸疏凡三上始得允銓部覆奏謂公有冰檠之

操州守朱君喜其名孚表其間曰冰檠已丑薦起

四川左布政使土蕃芒部<sub>三</sub>殺累年公以恩信諭

平之會牛淑人疾即具疏乞歸鎮巡僚友懇留弗

顧比泊廣都而淑人卒壬辰春起江西甲午陞都

察院右副都御史巡撫本省地方以

恩詔階通議大夫贈翁牛淑人皆獲贈子行恕廕入

太學公撫江西督逋欠清詞訟禁侈俗理陂塘恤

民瘼事關藩臬符驗頗犯衆怒亦舉行之大者上

聞乙未擢大理卿大理自正德以來避部院尊要久

失叅駁之職公力舉行之由是衆情不堪私比者

多不便左遷山東叅政蒞任疾作乞休不允部移

慰留而疾愈甚疏再具未上而公卒矣公入仕來



凡四里居耕田讀書絕不干謁有司曲加敬重其  
取與進退大節無毫髮苟可以對越神明日用居  
處蕭蕭如寒士平生雖好爲詩文然多不存稿卒  
後行恕訪之親友僅得三百餘篇痛兄氏早亡撫  
諸孤若子先世所遺產盡以畀之公生于成化丁  
酉四月初六日卒于嘉靖丁酉正月十一日享年  
六十一歲有司延其主祀于鄉賢祠云配吳淑人  
繼張繼陳淑人子男三長行簡先公卒次行恕官  
生娶張氏次行果娶李氏俱陳出女四長適生員  
麻秉直次適趙玉俱吳出次適生員劉謙貞四未

字陳出孫男二長事稼殤次事穡未聘行恕等  
公於漢宣房宮祖塋之東新阡之兆銘曰古之君  
子寧身被窘辱不徇人以非禮之恭寧違衆孤立  
不少移乎堅定之守寧窮約終世不苟於一芥之  
取正德中如瑾如求成如大用生殺予奪生於  
吸公卿而下伏謁恐後孰敢與之較禮哉公獨抗  
而弗屈雖蒙橫逆而道愈亨矣其在大理也推評  
叅駁無間大小卒之衆議交口屹然不搖至謫遷  
而不悔也官至金紫而卑宮室菲飲食苦節以沒  
齒焉得不謂之古之君子哉嗟夫塚壘壘兮名未



垂兮太史碑兮汗青之辭

大明嘉議大夫貴州按察使雲心于公墓誌

銘

公余同年友也精敏絕人余同年三百五十八人張榜甫三日公皆識其字無遺一人故其爲士居官聲稱異等用不盡才時論咸惜云公諱整字器之號雲心干氏之先本楊之儀其人勝國末諱彥成者徙籍于滁洪武初彥成伯子小乙從戎鎮江衛卒從高祖忠嗣之改編滁州曾大父和來省樂其士遂家于滁和生大父椿軒歿士能繼志

南溪母莊氏成化六年庚寅正月八日亥生公公生而靈異少而穎悟甫十九歲廩于州庠弘治壬子應天鄉試中式春試弗第卒業大學歷事刑部留心律例諸生或曰于子學養子而嫁耶將備大人之事乎公曰書言典常作之師是

祖宗創述精意一代法程也況今日歷事乎非昔國學諸生也正德戊辰登呂柟榜進士授工部主事部送大倉銀十數萬給邊羨餘數百悉籍以付主者嗣部檄主守徐州倉以慎修聞庚午時太宰以風憲重要宜博選天下知名有效士克之且以其



事密付文選主事韓邦奇兩京部寺及府佐以下  
預選者三十餘人公爲優薦焉改授廣西道監察  
御史公有憂色曰朋益之慶可榮而鼎重之勝可  
懼也而御史之聲名乃著通歷三載奏最於是南  
溪翁封文林郎監察御史莊贈孺人繼母周及室  
余并封孺人尋奉

勅督長蘆鹽法兼視河道所至剋弊剔蠹風裁自持  
時薊賊楊虎等大掠河間諸郡縣勢甚猖獗公適  
駐滄賊前驅猝至城下州守遁去人情惶駭莫爲  
守賊登城謹甚公策賊衆多脅從非得已者服朱

衣坐臺中臺面城邇賊從城上望見公相戒曰毋

驚動

欽差果相率詣臺門乞命公諭以無留城中及殺人  
劫庫自非首惡並許自新皆懽呼羅拜而去公命  
吏數輩招降數百人賊勢孤餘兇就縛後按巡宣  
大宗屬監軍廝養誘脅大戶包納而率乾沒公私  
受蠹公庶知之詭曰是多詐譎焉有

帝胄中貴不自愛重者掩捕十數人治其罪勒限令  
償上下肅然莫敢犯踰年代還有武臣獻其妹侍  
武廟而憑籍寵靈緣爲奸利公率衆御史攻之不報



抗疏再陳至曰不韋進美姬而潛易秦春申成李  
園而卒傾楚明皇寵祿山而幾危唐亦不報左都  
御史彭公慎許可獨噐公令與張御史准看詳諸  
文字會大理寺丞缺員銓部欲擬公公聞之急白  
彭公言故事官即等當以俸差周御史倫實先于  
熬階弗可越彭公嘆曰君可謂虞廷之吏矣丙子  
陞浙江按察司副使浙為大藩獄訟繁劇號難理  
公治之易初孝豐土豪湯毛九等負險拒命積歲  
不服

上命都御史張公津提兵克之公與議協有白金文  
綺之賜壬午

今天子龍飛覃恩臣下南溪翁得與公服色同進金  
紫既陞山東按察使初余孺人卒繼室宣聖裔孫  
及使命下公引嫌求改適考察當路有郅公弗徇  
者為非語中遂調貴州公曰吾拊心無忤已矣人  
言詎損我哉欣然抵家拜先隴登堂稱壽召昆李  
姻友陳說平生無幾微見顏面乃抵貴貴俗故龐  
厚又莫有撓者公甚安之嘗曰得行其志者其貴  
陽乎乙酉入覲然公意亦倦游矣遂致仕時年五  
十有五南溪翁既八十翁之弟率菴居士亦七十



有七皆白首康強歲時公率弟姪泊子若孫殆數  
百指拜階下人嘆羨以為難得公自筮仕至休致  
一廡自持比歸簞贏無餘貲已而貴陽舊僚致前未  
支俸七十金至付子弟令綱紀以贍生家始日捨  
乃買田左山上泉之麓構屋其上雜時花木義興  
杭公淮額之曰上泉莊因自謂泉莊老農且為莊  
之十四景各有標題徜徉瞻眺超然有舞雩之意  
且曰景外之景標題豈能窮哉寺州時與公游未  
嘗輒有造請郡公禮敬焉南溪翁病公侍湯藥如  
少兒既卒歛葬虞祥一如古禮比禫則公年亦七

十矣與鄉先生為清平會公自里居雖絕不干謁  
然不忘拯世之志凡有可以便民裨治者必告有  
司傾懷無隱問學務精詩文不事模擬而能道已  
所欲言尤究心六書之學平生精力健甚幾八十  
燭下猶能作蠅頭楷書衆以為雖耄耋未艾也乃丁  
未冬病胃痛藥不即功以今戊申春二月二十有  
八日卒于正寢享年七十有九配余孺人繼孔孺  
人皆先公卒子男九長野亨貢士山東城武知縣  
奔訃哀痛感疾後公百日卒娶張氏次咸亨先公  
七年卒娶李氏次光亨大學生先九年卒娶王氏



次節亨蚤卒俱余出次賁亨孔出次心亨亦早卒  
次復亨中亨永亨俱側室沈氏出女四自孔出者  
適滁州衛指揮同知謝承勳自沈出者一字指揮  
僉事姚應禎二未字孫男四曰世材世延郡學生  
茂而賢克世其家世建世瞻皆幼女十曾孫男三  
曰居厚居默居易女二音亨等卜以十有一月二  
十五日葬公左家山隴世材以大叅胡公狀來問  
銘銘曰惟滁之陽山有泉庄山高千仞上有鳳翔  
庄景竒絕標題靡窮徜徉瞻眺有冠有童昔我冠  
豸實抱先憂出持風裁入獻忠猷我竭勤誠世兮

我遺時哉後樂萬景俱宜不忘拯世有拂吾膺吾  
豈寒蟬嗤彼季陵公年八十黃髮童顏謂當百齡  
遽爾貞還公才則豐公位靡亨斯志斯銘斯銘稱  
情

大明中順大夫夔州府知府韓公墓誌銘

弘治戊午予與公應試長安會旅邸蓋蒲多士冠  
也見其方直樂易心愛重之既聞公登正德登西  
鄉試明年登進士嘉靖戊子再會京師而公已歷  
官至戶部郎中後拜知夔州府壬辰公高蹈歸乃  
聞之許判言公善處鄉鄉之縣尹以下無弗善公



且言其康強不似老人當獲上壽矣卯則公季子  
綸持王舉人業狀來問墓銘然享年已七十一矣  
公諱坤字子厚號上原姓韓氏世爲華之蒲城雙  
桂里人高祖志川曾祖林祖銳父宣贈工部主事  
母李氏封安人皆以公貴也公生而有殊質穎敏  
絕人八歲就學日誦千餘言人皆竒之未弱冠補  
縣學生每試輒居上第既登進士授嘉興知縣嘉  
興爲浙巨縣民衆事劇且當吳越閩楚衝號稱難  
治公單車之任約爲章程次第而徐理之剗弊修  
利治爲郡邑最時宸濠稱亂楊儀賓者濠黨也濬

穴公境內府守貳疑莫敢動公毅然發吏捕之生  
員金燦者父爲糧長折價三千餘兩燦禁錮累歲  
莫能償然力學不怠公悲憐其意釋之後燦登進  
士爲御史初燦既釋懷金幣謝公曰吾爲天下惜  
才非私燦也卻之嘉人爲詩歌其庶陞工部主事  
督臨清閘

章聖皇太后自興邸駕經臨清嘉公能錫金牌羊酒  
勞之今

上登寶位推恩宣翁李安人獲封贈焉既而改戶部  
督催湖廣軍餉會李安人卒守制服闋陞員外郎



尋陞郎中公自主事至郎中部尚書皆稱曰能陞  
四川夔州府知府夔為蜀僻郡吏治多苟且民習  
久弊樂寬縱便姑息紀綱弛甚公曰為政如水火  
火烈易避水弱易溺民已慢矣是上陷之也乃更  
約束易置府吏以剛克之未暮年治效至不拾遺  
南川賊勢猖獗兵備張公謀築隄城中隄方五里  
高三丈人以為必須歲月公計丈任工身自督之  
五日而成蜀人以為神有神明伯夷之歌然公既  
方直不隨俗好忤當道意乃解印歸歸則日以讀  
書教子栽花種竹為樂歲時招延故人賓客晏笑

終日人間事若弗知也優游林下蓋十餘年卒公  
生于成化九年十月初伍日子時卒于嘉靖二十  
二年三月初八日戌時公雅好圖書尤邃易學又  
樂與人為善每見里中後學有善即極稱揚晚年  
尤任真不矯飾人有過必面諭之改云配原氏封  
安人有內德二室陸氏劉氏子男六邦維先公十  
七年卒娶李氏繼郭氏邦紀娶孫氏邦績娶屈氏  
邦緒驛丞娶李氏繼原氏關氏邦經生員先公七  
年卒娶武氏邦綸監生娶孫氏女三改兒字李氏  
夔兒未字丁兒未字孫男六女九小釗適生員曹



紳四釗字原氏詩娶趙氏繼王氏釗兒適郭資桂  
兒未字說娶孫氏繼關氏諒聘屈氏三釗字郭氏  
詔未聘翠兒字孫氏長春未字謨諫俱未聘玉佩  
蟾桂俱未字曾孫女一香兒未字邦紀等以是年  
九月二十九日葬公於先塋之次銘曰蒲之水水  
清清思義君子無忝爾生蒲之原原如砥方直君  
子視其所履嘉之政如霖之潤夔之政如霆之震  
公之才如金之鍊可革可從因地而見蒲之隴鬱  
乎葱蒼公之幽堂龍首之藏

大明通議大夫都察院右副都御史進階正

奉大夫陳公墓誌銘

公卒訃聞

上命禮部遣官諭祭工部營葬事公甥叅知大夫郝  
君元洪具狀子詩介子誨來請銘曰公治命也予  
好公蓋十五年餘比予督撫山西蓋又三年餘每  
公禮公必至予室歲時予亦省公于第蓋自是情  
款愈浹洽然公未嘗一言及私予乃疏薦之朝畧  
曰都御史璘歷任以來聲名耿耿抱籌邊馭衆之  
才有謹身務實之行及膺巡撫之任適當多事之  
時七疏求歸而未得一被人言而即罷可當大任



者蓋未及柄用而公卒矣公諱璘字邦瑞號一石  
山西太原之陽曲人也曾祖福聚祖榮贈知州加  
贈右副都御史配趙氏贈宜人加贈淑人父智至  
兩淮都轉運鹽使司同知封右副都御史母商氏  
初封宜人加封淑人其世德懿行蓋載陳氏家傳  
云初商淑人將就蓐夫大雷雨生公既浴而霽蓋  
以是人知其遠到云公幼聰穎度越與群兒嬉每  
曰我蓋官也爾輩為胥輿群兒皆用命云當就外  
傅時轉運翁命師王公槐受蔡沉尚書盡得其精  
微槐蓋三晉明經士云十九歲克府學生少師楊

公督學政課諸生見其文奇之曰陳生俊又士也  
由是陳生聲名籍甚三晉士無不推先陳生者本  
少師延譽之力也少師者世所稱家菴者也蓋素  
秉知人之鑑云弘治己酉中鄉試第二刊文為程  
式癸丑賜同進士出身第一授太常博士同官者  
蓋推博士多識典常也乙卯相

孝廟享南郊見博士氣宇周旋悅甚面咨何官蓋欲  
超遷不果錫寶鏤一時縉紳稱榮云三載考績封  
商淑人為宜人蓋從轉運翁知州時階也戊午拜  
監察御史勅巡居庸諸關關者崇崗峻壁天限華



夷惟數十里或百餘里稍鳥道通城守之固若金  
湯前後監察蓋率付下吏閱圖貼竟事耳于是御  
史乃躬歷險阨疏可城守者立將官增戍兵曰勞  
一時可為千百年之計者

上曰御史言是蓋迄今邊腹未賴云未幾巡按山東  
有近貴來山東取礦砂蓋近貴素多內援又荷  
上命若御史無若我何御史曰民力竭矣豈復堪益  
此邪疏論之礦役竟罷蔡河淤塞河流逆決民田  
匯為巨浸而稅尚仁民民白之御史御史曰是可  
導入漕河者蓋後奈果入漕粒食乃登云先是孔

闕遭回祿修未完御史度工定期尋乃奏成

上遣官立

御製碑文特嘉御史績御史勞資既深宰司轉遷有  
尋格御史執法不阿多忤尊貴人尊貴人盡憎嫉  
之遷浙江提刑僉事蓋臺官以僉事為淹滯人多  
為僉事心不平云僉事至浙摘發興除不異山東  
時既而又遷陝西死馬少卿少卿亦不以死馬為  
閑散馬蓋蕃息焉時少師楊公總制三邊疏薦少  
卿賢遷布政司叅政蓋督軍餉於是邊儲大足而  
民且稱便云遷河南按察使蓋其時豪滑交納



宗室侵越法制及發覺然又依憑城社乃罔恒獲人皆患苦之按察使下令曰自今敢匿人者連坐捕獲悉正其罪境內肅然鎮守王太監蓋殘墨特甚然又正德時也民不堪命按察使面責之而王亦知自戢云遷右布政轉左布政蓋自此經濟大畧益為著聞乃遷都御史巡撫湖廣改撫延綏蓋北虜寇邊警報特甚以都御史抱籌邊才也于是繕城堡利器械足倉廩募戍兵選將官邊威益震丙子虜賊寇邊斬獲甚多

武皇降勅獎勵定靖清平邊墻功成有金幣之錫虜復寇邊復大斬獲捷 聞

上嘉都御史能稱

賜蟒衣三襲前此都御史未有者蓋異數云都御史三年天官舉常憲奏

上錫誥推恩及祖且廢嗣入監旋推兵待蓋公亞有內援者得之既而以轉運翁及商淑人老累疏乞歸

上曰璘素有才識又曰璘操守清慎已有旨勉留着用心巡撫地方乃復起視事時總兵柳勇叅將李永定把總許國卜雲蓋交納中貴人緣為姦利軍



心顛怨目為四害都御史曰凶虐若此坐視之是  
都御史縱長耶劾罷之三軍稱快會大將軍彬導  
天子北巡邊塞駐驛延綏蓋三月天子寬仁恭儉惟  
彬黨橫甚處之難都御史執大體酌時宜雖彬兇  
焰竟不害帥臣戴欽恃其權位又彬黨也敢肆簡  
傲都御史怒甚蓋手自擊之有逆子既成獄彬欲  
活之亦不聽邊人相語為真都御史云乃都御史  
又引疾乞歸

上亦不許報曰璘素有才譽有疾善自調理以副委  
任亦不允蓋未幾而商淑人轉運翁訃先后至矣

公自以前後乞休心本為親乃弟能侍湯藥奉治  
命哀痛踰禮幾至滅性疏聞

上命工禮二部祭葬如例時彬又導

天子南巡江漢蓋廷議以上郡北邊重鎮

天子外巡乃奪公至情固留公候代已而

武皇上賓有不好公者蓋疏論公謂都御史宜罷詔  
從之公竟罷去未幾詔進公階正奉大夫云公才  
既敏達而性復剛毅茂實敦本崇儉不能為閃倏  
媚悅之態為諸生時教讀提刑司有攘金人為亡  
金者訟攘金人蓋以二百金賄公公嚴拒不納同



事生潛誘取之而亡金者坐誣後亡金者得直事  
 發覺同事生皆坐法公獨不汙登甲時蓋有當道  
 知公者或謂通名可得吉士官公不通名當彬竊  
 柄時蓋諸司皆以賂賍彬公不賍賂慷慨任事凡  
 所為蓋時所深避而不肯為者云公生于成化三  
 年八月十八日申時卒于嘉靖十七年戊戌十月  
 初七日申時享年七十有二配閻氏贈淑人繼周  
 氏封淑人生男詩官生娶郭氏繼張氏女長適太  
 原指揮榮泰次適陝西叅議郝元洪俱封恭人繼  
 雷氏先公卒側室段氏生男論監生行二娶張氏

張氏生男誨府庠生行三娶張氏謨行五聘秦氏  
 生女適喬永殷官生王氏生男諮行四聘包氏張  
 氏生男讓行六訓行七俱幼彭氏生女字周元禕  
 孫男恩女二詩等將以嘉靖十八年 月 日  
 葬于

勅建新塋馬南之原銘曰於惟那哉公才浚明濟濟  
 晉多士孰不推陳生雍雍顯相天子咨名徂徠監  
 察六郡澄清得金矢於廉訪銘旌常於節鎮山之  
 東河之南榆之北憲憲令聞我既持斧孰敢越厥  
 行我既秉鑑孰敢譎且張我既杖鉞孰敢侵予之



卷五  
三十五  
疆公奏膚公折馘滿車

天子曰都若汝予嘉蟒衣燁燁襲幣煌煌益之以白金錫之以龍章崇關巍巍中華賴之蔡河湯湯斯民戴之吁嗟乎公哉有庸豐哉勤勤七疏懇乞投簪

天子曰噫往盡乃心公既歸止恬然忘世戊戌孟冬公乃長逝有司訃聞

天子曰噫

勅葬佳城隆以

諭祭佳城如崗鬱鬱蒼蒼國寶不足以爲固四備不

足以爲祥於惟那哉公之德千百世其永昌

大明通議大夫都察院右副都御史張公墓

誌銘

正德戊辰余與公同登呂柟榜進士識公於南宮後十餘年同官於晉陽撫臣當歲薦凡藩臬皆列奏牘而余與公獨弗與余時致仕將歸公憮然抵余書曰君茲歸矣文魁退且未能進則弗達將若之何哉余復公曰或去或不去歸潔其身而已矣公翻然曰我道無怨無尤餘將付之天也後余起撫晉陽公亦撫朔方未幾皆乞歸比余起總河道



方擬得再晤而公已卒云悲夫公姓張氏諱文魁  
字元甫別號宗川河南開封府蘭陽縣人也其先  
本山東單縣人勝國之季高祖長公者避兵蘭陽  
因家焉曾祖宗信贈通議大夫都察院右副都御  
史配某氏贈淑人父讓遞運所大使封承德郎刑  
部主事贈奉政大夫按察司僉事加贈通議大夫  
都察院右副都御史配畢氏封安人贈宜人加贈  
淑人初弘治辛亥公方垂髫河決城舉家舟而覆  
恍有朱衣人掖公泊於林杪以免弱冠補縣學生  
正德丁卯鄉試中式戊辰登進士授刑部陝西司

主事時權瑾流毒縉紳衆等以苛刻冀自免公獨  
多平反人皆危之弗恤也既而連丁內外艱服闋  
赴部冢宰曰是權瑾時執平主事耶陞刑部山東  
司員外郎平反如主事時陞山西按察司僉事巡  
冀北道初大同當權幸隨駕經過之後地方官緣  
爲姦利至是巡按張侍御英檄公勘之公按都指  
揮章傑宋文尅削軍資十四萬褫其職竄巨猾陳  
萬尚寧於炎荒既而督修沿邊險隘身往臨巡嘗  
遇伏虜於橋頭堡公以護兵直前迫之皆遁去胡  
中丞錠薦公才賜帑金千兩陞布政司左叅議復



守冀北首疏宗室聰濶長史趙寬太監王哲總兵  
楊玉數十家之橫罪其黨二百八十餘人權勢斂  
跡覈追豪商蘇雷通稅八萬餘金皇店李瑀通謀  
十萬餘金充軍儲又閉大同關王廟以釐請罪之  
俗毀瀋府聖母祠以絕結緣之妖楊中丞志學俞  
侍御集皆謂公宜民之仁足餉之才擊強之威可  
方古人云陞陝西行太僕寺少卿大同副總雅重  
公以鞍馬金器馳賀於陝公曰吾不以易地易  
也卻之陞苑馬寺卿裁革豪強私買私賣之弊馬  
政以清勅有庶靖不苟精寒有飲之

政司右布政使尋轉山東左使革堂食裁冗費羨  
餘月計千餘金別貯以資海道備倭之用楊太史  
維聰謂公直諒之心剛方之氣清苦之操淹貫之  
學經綸之畧實有人所不可及者云適寧夏撫臣  
告缺庭議以公久歷關陝大同陞都察院右副都  
御史建節朔方虜三八公指畫方畧捕斬四百餘  
名顥捷聞凡三拜白金文綺銀牌之賜陞俸正二  
品唐吏侍龍謂公秉度策動儼然爲疆場之鎮夏  
人管黃門律亦曰夏州撫臣剛折而柔廢惟公不  
茹不吐得撫臣體云嘉靖戊戌春虜困夏遊擊於



卷五  
宴官湖公得報自率大衆援之虜始遁因襲寒感  
疾力求解任不允會大慶推恩封通議大夫誥有  
鎮危立利比於南仲之詞於是信公某淑人讓公  
畢淑人皆獲封贈廕一子入監乃有不悅公者罷  
公節鉞俾叅知行省政事公力辭以都御史致仕  
云既歸杜門謝客鳴琴賦詩時召親故子弟能文  
者考德問業終日不倦偶晨興曰何錦衣甲馬者  
克斥吾庭耶居數日乃卒云公生於成化己亥九  
月二十七日卒於嘉靖二十一年七月十九日享  
年六十有四訃

聞特遣河南布政司孫在使存諭祭有式揚風紀屢  
獲戎功爰念徃勞良用悼惜之文兼

賜帑金二百兩夫匠二白名襄葬事飾禮備物制也  
維公聰察沉毅剛直果斷內行修謹雖隆夏未嘗  
裸體晏坐盛怒未嘗撫案大叱嚴於嫉惡見吏之  
貪汙者如仇讐然服善休休若已有之陸太史鉞  
謂公氣清而貌癯身若不勝衣而中剛有制至臨  
大事決大疑確不可移云配許氏繼配王氏俱贈  
安人淑人繼配郭氏封淑人子二長九德早卒娶  
袁氏以貞節顯次三綱官生娶袁氏三綱將以是



年三月初十日葬公於縣西十五里之白雲山來  
問銘銘曰都不休哉大河之濱混混淵淵篤生偉  
人侃侃按察為豸為軼昔彼憑城今成窟黜廉靖  
不苟淵塞有猷公拜稽首對揚皇休羨餘是蓄乃  
去堂餐清苦之操揚太史言

天子命我仗鉞西疆首功四百我伐用張

皇三錫命金幣斯承惟公大作益之十朋爰念徃勞  
天子悼惜飾禮備物用光寔宥傳有太史勲有旌常  
維千百年並視銘章

大明封刑部河南司主事王公墓誌銘

公蒲善士為養而商也生財而有道行貨而敦義  
轉輸居積而手不離簡冊志不忘惠澤鄉閭愛之  
朋儕宗之士大夫崇讓之唐儒有言人固有墨名  
而儒行者夷論公世可謂商名而儒行矣斯亦不  
足以有述乎公卒于安慶太守君奉狀問銘太守  
君子貳司寇時友也僉推入本科本科者貫城弼  
教之間謂之掌三法司事蓋司寇三士之奇選云  
公諱瑤字文充號素菴姓王氏山西蒲州宣化坊  
人系出龍門後徙榮河元季始祖仲文為河中府  
掾配戈孺人洪武初籍于蒲仲文生彥純彥純生



秉信公高祖也曾祖景嚴祖榮壽官父馨號敬齋  
以貢士授鄧州訓導陸魯山教諭贈徵仕郎中書  
舍人配張氏贈孺人以季子中書某貴云公幼而  
純雅不與群兒爭稍長贈公授以孝經四書即領  
畧大旨贈公累試不第家業中衰公乃肇服買弘  
治丙辰贈公之鄧州諸子皆從祿薄弗給公貿易  
鄧裕襄陝間而資漸豐乙丑贈公遷魯山地產竹  
木麻漆公取良產治器用中度至今土人式之正  
德中贈公致仕歸資漸耗費公行貨張掖酒泉間  
又嘗同諸商依酒泉兵憲陳公赴河西忽傳

急趨近堡守者不納衆惶懼失措公從容安置貨  
物城下團列騾馬挽弓抽刀倚城自保陳公行城  
見之納入堡問曰虜迫近何爾整搦不亂也公曰  
等死耳湏竭力拒衛安能俯首待戮陳公壯之公  
因出布絹犒軍吏陳公義之隨陳公至酒泉適哈  
密之變軍將多密約寇爲內應陳公孤危無可與  
計事者乃召公集諸商誓曰今我與爾輩寄命於  
此即有變俱當首禍其爲我親軍公率諸商晝夜  
披甲胄挾弓刀環衛儼然一裨將矣陳公盡收反  
者誅之復皆益淮浙蘇湖間往返數年資乃復豐



故贈公張孺人暮年樂享孝養嘉靖壬午贈公卒  
公哀毀踰禮築堂奉柩癸未張孺人繼卒公哀毀  
如贈公越明年合葬新阡家衆請析公以見金與  
弟姪獨取長蘆引數千尋赴長蘆守支未獲孫安  
人卒太守君及諸女俱幼公聞訃泣曰瑤三十年  
勤苦未嘗念妻子今忽若此誰爲撫顧急欲圖歸  
大名王某故人也爲其戚張商者貸二百金公盡  
塹賫付之張商不償遂僑滯大名有夫死子幼翁  
姑將賣婦爲棺婦泣曰以一棺而子母翁姑離矣  
公憐之問以棺婦感激撫子養翁姑終身不再適

忽聞中書君疾革棄負資奔赴至京而中書君已  
卒公日夜號泣携孀孤扶襯歸蒲以餘資命長子  
服賈供二家費辛卯州守請鄉飲固辭始就後再  
不赴家有崇公曰瑤家世樹德崇者何也爲文訴  
神崇息明年太守君以進士授刑部主事公作書  
以五刑明允勿致枉抑爲戒又明年迎養至京

廟祀禮成推恩封承德郎主事次日趨朝謝恩縉紳  
榮之爲詩文以贈居京六載與金陵熊公杭州馬  
公會稽周公張公蔣公胡公南昌胡公杜公關西  
張公都城賈公爲九老會命工審象繪形各藏之



家爲子孫世講計庚戌太守君有安慶之命公曰  
汝今爲六縣主一舉動即六縣安危也君奉公抵  
家請就養府邸公以久離鄉土欲且盤桓數月君  
重違公意辭行公申戒曰吾不憂汝不能振耀官  
常利用明作但謂果于自信過激或罔耳君抵安  
慶甫百日方圖奉迎而公訃至矣公素強健日南  
至謁先祖中寒明日成刻卒遠近吊者幾千人哭  
皆盡哀初公天性孝友侍贈公張孺人曲養無方  
兄弟衆多公身任其勞內則孫安人獨爲窘悴當  
衆子大變恐傷親心不使聞知寸絲尺帛不入私

室每念諸兄弟無依雖在京師猶以塩引經營以  
資其用與人交忠信不疑於故舊竭力惓惓雖僕  
厮亦令得所云公生于成化甲午八月初十日未  
時卒于嘉靖庚戌十一月初七日戌時享年七十  
有七配孫安人先公卒別有誌繼孟安人子男三  
長崇義娶張氏次崇祖未娶卒季崇古即太守君  
也娶張氏女五長適沈江二適張允齡三適閻一  
鶚四適監生甯瓊卒五適庠生劉一直早卒皆  
孫出孫男三女四以今年仲冬十又二日葬公于  
祖塋之次銘曰浦有美人儒而商江南塞北飛車



航本為養親營四方王氏奕奕家用昌兵憲孤危  
無可將我披甲冑事戎行桓桓兵憲謀孔臧流血  
滿城逆屍僵有子負才上廟廊西臺凜凜持刑綱  
公乃教子慎允明叶勿令五麗含冤傷煌煌龍誥  
承恩光衣冠俯伏覲

神皇白身誰登

天子堂瑤函錦軸陳詩章九老彬彬真良朋叶佳辰  
勝境時徜徉審像圖形各家藏子孫世守思不忘  
惟公積善有餘慶叶馬鬣鬱鬱氣葱蒼止生橫形  
公之崗千祀萬祀永無疆

苑洛集卷之五



